

博者不知

疏夫多聞則滯於言教帶教則終日言而不盡既非了悟故曰不知

聖人不積

疏積滯聚也聖人妙達理源深明法性悟

文字虛假了言教空無所說之理既明能說之言亦遺則於彼言教一無滯積故云

聖人不積爾

既以與人已愈有既以與人已愈多

疏既盡也言聖人雖不積滯言教然衆生

發明慧心必資聖人誘導故聖人以清靜

理性盡與凡愚而教導之於聖人慧解之

性曾不減耗故云愈有愈多注云有明自

性多明外益者悟理之性既非他有故云

自性因教之益不自中來故云外益明聖

人教導凡愚心彌慧解故云愈有惟敬學

半理益精暢故云愈多爾

天之道利而不害

疏天道施生長養萬物利也無所宰割不害也此舉喻欲明聖人之道私益爾

聖人之道為而不爭

疏聖人之道凡所作為而與物不爭者為聖人無所積滯與人愈有是以不爭爾

唐玄宗御製道德真經疏卷之十

正一天師清微弟子 洪百堅 製作
道教學術資訊網站

道德真經疏外傳

十一

太上者起乎無因自玄而出官兮莫測從有而名隨方出顯不可具陳後未化於殷朝寄胎於商第十八王陽甲十七年庚申之歲託孕於玄妙玉女八十一年至商二十二年丁酉年庚辰之歲降生於亳州衛真縣今太清宮是降生之所也二月十五日卯時聖母剖左腋而生其他祥異備具道史道德經古今箋注者多美見行註者六十餘家開列于後

節解上下尹喜與想爾二卷三天法師
內解上下尹喜以內修河上翁章句漢文
降若成用阿陳嚴君平指歸十四卷漢文
今有朝見存南陽何晏
名道人山陽王弼注字輔嗣
平魏朝河南郭象字叔偉南陽何晏字叔
馬朝野子叔偉穎川鍾
會字士季隱士孫登字公和魏文晉僕
射太山羊祐字叔子沙門羅什本西胡
射太山王門沙門佛圖澄傳也注上下
中國注二卷沙門佛圖澄
二沙門僧肇晉時人梁隱居陶弘景武帝
老真白范陽盧裕白顯晉時人草
生注四卷

萊臣劉仁會後魏伊州人注二卷吳郡徵士顧歡字景伯南齊松靈仙人名氏年代無晉人
 河東裴楚恩秦人京兆杜邠注二卷宋
 人河南張憑字宗明帝太梁武帝蕭衍
 宋高義以四梁簡文帝蕭綱作述清江張嗣
 注四卷梁道士臧玄靜字道宗作梁道士
 孟安排號大孟作梁道士孟智周注二卷
 梁道士寶略注四卷武帝隋道士劉進
 喜作號陳道士諸祿六卷隋道士李播
 注上下唐太史令傅奕注二卷唐嵩山
 道士魏徵作要義大法師宗文明五卷
 仙人胡超作義十卷道士安丘五卷
 道士尹文操作簡要法師章錄五卷
 道士王玄辨作何公辨諫議大夫爾明觀
 主尹惜作新義十卷道士徐遜注四直翰林道
 士何思遠作指二卷衡岳道士薛季昌
 作金鑑十卷洪源先生王觀注二卷玄珠
 卷法師趙堅作講頌太子司議郎楊上善
 高宗時人作集道士車弼注七任真子李
 榮注上下成都道士黎元興作義太原少

尹王光庭作契亞道士張慧超注四卷龔
 法師作集通議郡道士任大玄注二卷道
 士沖虛先生殿中監申甫作疏岷山道士
 張君相作集道士成玄英作講疏漢州刺
 史王真上下二卷道士符少明作道講
 玄宗皇帝所注道德經上下即今所廣疏
 矣所釋之理諸家不同或深了重玄不滯
 空有或推因果偏執三生或引合儒宗或
 趣歸空寂寞不並探覽室鏡掇珠璣俱涉
 鍾山爭窺瑤瑣連城在握照乘盈懷敷弘
 則光燦燦相演暢則絳文編簡我開元至
 道昭肅孝皇帝降神龍變接統象先戲內
 難以乘乾啓中具而御極無為在宥四十
 五年汾水襄城靡勞轍跡具談大隗自得
 明遊廓八溟為仁壽之庭普萬寓為華胥
 之國至道至德超哉明哉欽若尊經本朝
 家教象繫不可以擬議風雅不足以指陳
 橫亘古今獨立宇宙雖諸家浩翰未窮衆
 妙之門多士研精莫造重玄之境凝旒多
 暇屬想有歸躬注八十一章製疏六卷內

則修身之本囊括無遺外即理國之方洪
 纖畢舉宸藻遐布奪五雲之華天光煥臨
 增二曜之色固可以李仲十翼暉映二南
 粟若觀於玄元信躬傳於太上冠九流而
 首出垂萬古而不刊則大風朱鴈之詩誠
 難接武典論金樓之作詎可同年但以疏
 註之中引經合義周書魯史互有發明四
 始漆園或中屬類後學披卷多濫本源輒
 抹搽衆書研尋篇軸今於御注疏內餘事
 略錄于後
 開元十一年躬為註解序云詔曰詔者敕
 命之書也在天子為詔為詔為敕為制在
 皇后太子諸王為教為令皆君上命下之
 詞也詔啓迪來裔啓開也迪進也頗者甚
 也疏序曰馬遷謂之隱君子馬遷者司馬
 遷也字子長河內溫人中山王相司馬喜
 之孫太史令談之子顯頊之裔生于龍門
 年十歲誦古文尚書年二十歲遊江淮九
 疑高穴之門仕漢為郎中使西蜀父卒歲
 餘為太史令而作史記也道德分上下者

開元二十一年頒下其所分別上卷四九
三十六章法春夏秋冬卷五九四十五
章法金木水火土則上卷從一至九章以
無形無名為宗明春道從十至十八章以
無知恍惚為宗明夏道從十九至二十七
章以有情有信為宗明秋道從二十八至
三十六章以凝重清淨為宗明冬道其下
卷自一盡九明仁德次十盡十八明禮德
從十九盡二十七明義德從二十八至三
十六明智德從三十七至盡四十五明信
德也。

唐玄宗御製道德真經疏卷之一

道可道章第一

道可道非常道

疏道以虛通為義常以湛寂得名所謂無
極大道衆生正性也而言可道者即是名
言謂可稱之法也雖復稱可道宜隨機愜
當而有聲有說非真常凝寂之道也常道
者不可以名言辯不可以思慮知妙絕希
夷理窮恍惚故知言象之表方契凝常其
寂之道可道可說者非常道也。

名可名非常名

疏名者教也前言可道感明於理今言可
名次顯於教真理既絕於言象至教亦起
於聲說理既常道不可道教亦可名非常
名欲明理教教理不一不異也然至道深
玄不可涯量非無非有不常不常而義有
抑揚教存漸頌所以立常以破可故言可
道非常道至論造極處無可無不可故玉
京經云無可無不可思與希微通
無名天地之始

疏始本也虛無至道陶甄萬物二儀三景
何莫由斯故指此無名為物之本無名足
可言說明矣

有名萬物之母

疏母有名迹也重玄之道本自無名從本
降迹稱謂斯起所以聖人因無名立有名
寄有名詮無名也方欲子育衆生令其歸
本慈悲鞠養有同母義

常無欲以觀其妙

疏妙精微也觀照察其己也言人常能無
欲無為至虛至靜者即能近鑒己身之妙
道遠鑒至理之精微也

常有欲以觀其微

疏言人不能無為恬淡觀妙守真妄起貪
求肆情滌滯者適見世境之有未體即有
之空所以不察妙理之精微唯觀死生之
歸趣前明無名有名之優劣此顯有欲無
欲之勝負

此兩者同出而異名

疏夫所觀之境唯一能觀之智有殊二觀